

大名府志

咸豐三年鐫

大名府志

府庫藏板

大名府志總目

卷之首

序

舊序

凡例

街名

目錄

圖

卷之一

星野

沿革

卷之二

疆域

形勝

卷之三

年紀
起上古迄五代周世宗顯德六年

卷之四

年紀
自宋太祖建隆元年至 國朝咸豐三年

卷之五

山川

河渠

風俗

方物

古蹟

陵墓

卷之六

城池

署廨

秩祀

寺觀

橋梁

義塚

卷之七

里甲

戶役

田賦

倉儲

鹽課

卷之八

學校

書院

義學

卷之九

軍政

鎮堡

驛遞

卷之十

職官

卷之十一

職官

卷之十二

選舉

卷之十三

名宦

卷之十四

人物

卷之十五

人物

卷之十六

流寓

列女

方外

外傳

卷之十七

藝文

宸翰

賦

詩

卷之十八

藝文

記

卷之十九

藝文

記

傳

卷之二十

藝文 碑文

卷之二十一

藝文

制 詔 誥 璽書 券文 誓書
祭文 封事 上書 表 奏 議 對

狀 疏 劄子 啟

卷之二十二

藝文 頌 箴 銘 贊 雜文

大名府志卷之四

年紀

宋太祖建隆元年庚申春正月辛亥以周義成軍節

度使石守信爲歸德軍節度使以高懷德爲義成軍

節度使 癸亥以天雄軍節度使魏王符彥卿守大

名

彥卿以李光贊爲幕寮李若拙爲大名府戶曹參軍

夏五月庚子命彰德

軍節度使王全斌討李筠 丁巳使天平軍節度使

韓令坤屯兵河陽 丁卯高懷德破李筠於澤州

是年春夏不雨 澶州蝗

二年辛酉以張令鐸爲鎮寧軍節度使 河決靈河

命陳承昭塞之役成賜錢三十萬遣使監徵天雄

田租先是藩鎮率遣吏徵租槩量增益公取羨餘符彥卿在天雄尤甚帝聞之卽遣使諸州分主其事民乃獲蘇一

除五代之習二月己卯賜天雄軍節度使符彥

卿粟

二年壬戌春正月滑州甲仗庫火

燔儀門及軍資庫一百九十區兵器

錢帛並盡

二月乙未滑州節度使張建豐坐失火免

夏河北大旱滑州春夏不雨六月己亥減京畿

河北死罪以下秋七月辛巳遣從臣檢河北旱

冬十二月戊戌振相衛饑

失年命右監門衛副率常延信領護滑州黃河堤

四年癸亥春三月辛亥振澶滑衛魏饑天雄節度

使符彥卿入朝

彥卿字冠侯宛邱人歷唐晉漢周宋五代拜相封王鎮大名十餘年政事

委牙校劉思遇任其貪刻至是入朝上欲使彥卿任樞密趙普諫曰彥卿名位已盛不可復以兵事委之

上曰卿苦疑彥卿何也朕待彥卿厚豈肯負朕耶普曰陛下何以能負周世宗上默然辛亥

天雄軍節度使符彥卿進馬辛亥貸澶州民種食

五月大名府大雨雷震焚藁聚六月己亥澶濮

曹等州蝗命以少牢祭是年置東明縣以常參

官強幹者知大名屬縣擢白馬縣主簿周渭為贊

善大夫

因斬犯法大吏上奇其才知明決故有是命考此事史不載然見於舊志且屬理之所

有救仍之○以上事見綱目宋史者俱在乾德元年第改元在十一月應作四年為是

乾德三年乙丑春二月壬寅朔日食宋史天文志作應食不食

秋九月辛巳河決澶州命韓重贊督丁壯數十萬塞之

四年丙寅夏五月壬午澶州瑞麥生兩岐至六岐者凡一百六十五

本 六月甲辰河決觀城 秋八月丙辰河決滑州

壞靈河大堤 閏八月乙丑河溢南華遣殿前都指揮使韓重贊

馬步都軍頭王延義督兵夫數萬治之蠲被水秋租

五年丁卯春正月詔大名澶滑濮衛諸州長吏並兼

河堤使以嚴水患每歲以正月始事季春而畢著為令 秋八月甲申河溢

入衛州城民溺死者數百 戊戌治河堤

開寶元年戊辰澶滑諸州大水民饑命發廩賑之

澶州民謝興妻一產三男 是年東明產瑞麥

二年己巳春二月乙卯以彰德軍節度使韓仲贇爲
北面都部署 冬十月庚寅詔相州等丁夫死太原
者復其家 澶滑大水害稼 澶州民董遠妻一產
三男

三年庚午春正月癸丑增築河堤 夏四月己亥罷
河北鹽禁 澶滑水害稼 滑州大風雨雹害稼
冬十二月癸巳復增河堤

四年辛未冬十一月庚戌河決澶州 通判姚恕坐不
卽上聞棄市知

州杜審肇免○審肇知澶州上以未
嘗歷事命司封郎中姚恕爲通判

五年壬申春正月詔沿黃汴清御等河州縣別樹榆柳及土地所宜之木 賜澶州修河卒錢鞋役夫茶

二月丙子詔沿河十七州各置河堤判官一員

夏五月辛未河決濮陽丁亥河北淫雨澶滑濮諸州大水六月己丑河決陽武詔發諸州丁夫五萬往塞遣潁州團練使曹瀚護其役 丁酉免被水民租

澶州蝗

六年癸酉春正月癸酉修魏縣河 夏四月丁亥召

天平軍節度使石守信等賞花習射於苑中 東明

產瑞麥

秋七月濮州大雨水

懷州廩倉庫軍營民舍

大名

澶滑水傷田 是年河決楊劉口 以劉廷讓爲鎮

寧軍節度使

七年甲戌春二月庚辰朔日食 滑州蝗 秋九月

癸亥命宣徽南院使義成軍節度使曹彬爲西南路

行營馬步軍都部署伐江南 甲午流星出營室西

北行散落有聲明燭地 滑縣秋旱 是年以司超

爲蘄州防禦使

超元城人

八年乙亥夏六月辛丑河決濮州郭龍村辛亥河決

澶州頓邱

發丁夫數萬塞之

甲子彗出東方至東壁八十

三日滅

勅建商中宗陵廟

舊志不載滑志在七年非